



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XIII. Qui incidunt in Canonem datae sententiae, si sine periculo Romanum pontificem adire nequiverint, ab episcopo suo possunt absolui.

urn:nbn:de:hbz:466:1-15588

ANNO
CHRISTI
1179.

re, matre, vel sorore, vel filia sua propria inuentum turpiter, manus iniecerit violentas. Ceterum si eum in stupro vel adulterio, quando ea cum qua stuprum committitur vel adulterium, ita proxima ipsum consanguinitatis linea non contigerit, ceperit, aut alias in eum manus violentas iniecerit, a sententia excommunicationis non erit ille immunis.

CAP. XI.

Idem episcopis, archidiaconis, & aliis ecclesiarum praelatis per Angliam constitutis.

Parochianos autem vestros, si qui in monachos vel conuersos præfati ordinis manus violentas iniecerint, sublato appellationis remedio, secundum tenorem generalis decreti excommunicatos denuntietis, ipsosque sicut excommunicatos, faciatis cautius euitari, donec eis quos læserint, congrue satisfaciant, & cum literis vestris apostolico conspectui præsentent.

CAP. XII. *Idem Bathoniensi episcopo.*

Mulieres etiam vel alia personæ, quæ sui iuris non sunt, possunt a diocesano episcopo absolui, si manus violentas in clericum iniecerint. De his vero qui magnæ sunt potentia, & ita delicati, quod magnum laborem sustinere nequierint, si manus in clericos iniecerint violentas, tale damus petitioni tuæ responsum, quod status personæ prius & veritas negotii, Romano pontifici est intimanda, & secundum consilium eius de commisso scelere erunt puniendi. Illi vero qui non iniiciunt, sed eorum auctoritate & mandato manus violentæ iniiciuntur in clericos, ad sedem apostolicam, omni excusatione cessante, sunt mittendi, cum is vere committat, cuius auctoritate delictum committi probatur.

CAP. XIII. *Idem Cenomanensi episcopo.*

De cetero noueris, quod si laicus pro violenta manuum iniectione in clericum est excommunicationis vinculo adstrictus, si habens capitales inimicitias vel alias iustas causas, quibus ab itinere rationabiliter excusetur, vt sine periculo apostolico nequeat se conspectui præsentare: licet

diocesano episcopo accepto iuramento, secundum morem ecclesie absolutionis gratiam impartiri. Sed illi sub iuramento debito est iniungendum, vt quamcitus habuerit opportunitatem, Romanum pontificem adeat, mandatum apostolicum suscepturus.

PARS XV. DE IVRE PATRONATVS,
ET CLERICORVM INSTITVTIONIBVS.

CAP. I.

Idem R. Eboracensi archiepiscopo.

RELATVM est nobis ex parte tua, quod cum in Laterano Concilio sit statutum, vt personæ tali ecclesia vel ecclesiasticum beneficium conferatur, quæ resideat in loco, & curam eius per se valeat exercere: Nonnulli autem ad ecclesias præsentati, se posse residere affirmant, & curam habere ecclesie & ecclesiastici beneficii profitentur, id tamen efficere contradicunt. Ideo consulere nos voluisti, an propter hoc tales possis repellere, vel institutos sine appellatione remouere. Tuæ itaque prudentiæ innotescat, quod cum verba accipienda sint cum effectu, tales si præsentati fuerint, licite poterunt amoueri, nisi forte de licentia prælatorum vel studio literarum, vel pro aliis honestis causis contigerit eos abesse: nec patrocinari debet eis appellationis diffugium, si contra decreti intentionem fuerit interiectum. Quia autem consulis, si clericus idoneus ad vacantem ecclesiam præsentatus ab episcopo diocesano non fuerit admissus, & postmodum alius idoneus præsentatus, & ab episcopo institutus, possessionem tenuerit corporalem, an clerico priore ecclesiam petente, debeat posterior priori præferri: dubium non est, quin in hoc casu melior sit conditio possidentis: quoniam antequam præsentatio per diocesânium episcopum approbetur, ratum non est quod a patrono fuerit inchoatum.

Verba cum effectu recipienda.

Appellatio vbi non profit.

CAP. II. *Idem.*

De cetero prudentiæ tuæ præsentibus literis intimamus, quod si laici clericis vel collegiis de concessionibus vel donationibus instrumenta concesserint in hæc verba vel similia: Concessi, vel, dedi ecclesiam, & præsentem charta con-